

Bh. škola u Koventriju obilježila godišnjicu

# Najmlađi počašćeni novogodišnjim paketićima

Najviše aplauza izmamila predstava „Crvena šamijica“  
● Doprinos proslavi dali i gosti iz Birmingema



Nastup folklor „Mladost Bosne“

Bosanskohercegovačka dopunska škola u Koventriju, naša najmlađa škola, proteklog vikenda obilježila je godišnjicu postojanja. Na rođendan su joj došli učenici i članovi folklorne sekcije „Mladost Bosne“ iz Birmingema.

## Parodija na „Crvenkapicu“

Najviše aplauza izmamila je predstava „Crvena šamijica“, odlično pripremljena parodija na „Crvenkapicu“, u kojoj vuk od Crvenkapice i njene nane krađe mobitel i penziju.

Učitelj bh. dopunske škole Senadin Selimić nam je rekao:

- Ovakve priredbe nam služe da prije svega promoviramo naš rad sa djecom, da pozovemo sve čija djeca nisu uključena u rad škole da vide šta to mi radimo i da se na licu mjesta uvjere da su na gubitku samo ona djeca koja ne pohađaju dopunsku školu.

Učitelj Ajdin Bandić najavio je da će biti pripremljen DVD upriličenog programa koji će biti dostavljen svim članovima asocijacije, kao i onima koji finansiraju rad škole.

## Iskusni profesionalci

Doprinos ovoj maloj proslavi dali su i dragi gosti iz Birmingema.



Selimić i Bandić: Učitelji u bh. dopunskoj školi



Mali glumci na sceni: Detalj iz predstave



Sa svečanosti u Koventriju: Bio i Djeda Mraz

ma, članovi bh. dopunske škole i folklor „Mladost Bosne“, koji su u maniru iskusnih profesionalaca izmamili ogroman aplauz prisutnih u velikoj sali Coventry Muslim centra.

Na kraju, sve učesnike u programu, ali i svu djecu iz Koventrija svojim poklonom obradovao je njima drag gost Djeda Mraz. Naime, rukovodstvo bh. asocijacije iz Koventrija prigodnim novogodišnjim poklonima počastilo je naše najmlađe.

N. ALIMAJSTOROVIĆ

U POSJETI



Senka pored okićene jelke: Tradicija se održala

Sjećanja Senke Vrančić-Simić, rođene Gruđanke

## Najdraži su mi bili bijeli božići u Sarajevu

Stjecajem okolnosti, Senka krajem osamdesetih godina odlazi u Englesku sa suprugom i dvoje djece

Svaki Božić za Senku Vrančić-Simić je poseban doživljaj. Senka je nekad božiće proslavljala u rodnim Grudama, potom u Sarajevu, gdje je odrasla, u Engleskoj, gdje je jedno vrijeme živjela, a sada i u Njemačkoj, gdje živi sa svojom porodicom.

- Rođena sam u Grudama i tu sam provela šest godina svog života, a onda sam se sa roditeljima preselila u Sarajevo gdje smo imali kuću na Vracama. Pamtim božiće u Grudama, koji su bili zaista nešto posebno. S obzirom na to da su Grude manje mjesto, gdje svako svakog zna, za Božić se odlazilo „iz kuće u kuću“, a dolazilo se i nama. Sjećam se i dolaska svećenika u kuću, kako je s nama razgovarao i darivao nas. Moji roditelji bi sebe i mene svečano obukli. S tim nekim uspomena ma došla sam u Sarajevo, gdje je tradicija bila ista, ali druženja drugačija - ispričala nam je na

božići, kada bi zapadao snijeg, pa kićenje božićne jelke i, naravno, pokloni, darovani od srca i s ljubavlju. U posjetu bi nam na čestitanje Božića dolazili prijatelji svih nacija, tako da su čestitanja i radosti bili uzajamni - sjeća se Senka.

Stjecajem okolnosti, krajem osamdesetih godina Senka sa suprugom i dvoje djece, Marinom i Nikolom, odlazi u Englesku u gradić Bracnel, gdje ostaje nekoliko godina.

- Svaka zemlja ima svoju tradiciju božićnih blagdana, ali za nekoliko nijansi drugačiju, po pitanju atmosfere, druženja i proslave. U danima Božića u Engleskoj osjećali smo se kao da smo rođeni s tim ljudima, svi su se međusobno družili i pozdravljali. Opet, predbožićna atmosfera u Njemačkoj zaista je jedinstvena u svijetu - priča nam Vrančić-Simić, koja danas sa djecom živi u

## Radila u Domu zdravlja u Vrazovoj

Senka Vrančić-Simić u Sarajevu je završila srednju medicinsku školu. Jedno vrijeme radila je u specijalističkoj službi Do-

ma zdravlja u Vrazovoj, a nakon toga je u centru grada otvorila nekada popularni butik „Lady S“.



Vrančić-Simić: Predbožićna atmosfera u Njemačkoj jedinstvena u svijetu

početku razgovora Senka.

Prisjeća se da joj je teško palo prilagođavanje na novu sredinu u Sarajevu, ali joj je posebno upečatljiva ostala slika odlazaka u sarajevsku Katedralu.

- Ako su božići u Grudama bili priča za sebe, onda su božići u Sarajevu također bili nešto izuzetno posebno. Sjećam se prepune crkve, mnoštva ljudi, a kasnije, kao odrasloj djevojci i ženi, ti rituali su postali moja tradicija. I Sarajevo je u vrijeme Božića, baš kao i u vrijeme Bajrama, imalo tu neku posebnu draž, a ljudi su širili samo pozitivnu energiju oko sebe. Najdraži su mi bili bijeli

njemačkom gradu Ofenbahu (Ofenbach).

- U Njemačkoj je zaista posebno tokom Božića. Atmosfera na ulicama i u trgovinama, pa čak i na poslu je neopisiva. Prepuna je pozitivne energije, svi su susretljivi i veseli, svi su u nekom posebnom raspoloženju. Ja sa svojom djecom svake godine okitim božićnu jelku, ispod nje stavljam naše poklone i, naravno, prema se svečani božićni ručak. Dan poslije ide se u posjetu prijateljima i oni dolaze nama. Sretna sam što taj dio tradicije, bilo gdje da se nalazimo, nije izumro - rekla nam je Senka. Bato ŠIŠIĆ